



SAMGÖNGU- OG  
SVEITARSTJÓRNARRÁÐUNEYTID

Til framkvæmdastjóra sveitarfélaga

Jöfnunarsjóður sveitarfélaga

Sölvhólsgötu 7 101 Reykjavík  
sími: 545 8200 bréfasími: 552 7382  
postur@srn.is srn.is

Reykjavík 9. ágúst 2021  
Tilv.: SRN21080016/7.15.2

### Skólaakstur úr dreifbýli 2022

Með tilvísun til B-hluta 14. gr. reglugerðar nr. 1088/2018, um Jöfnunarsjóð sveitarfélaga er óskað eftir umsóknum sveitarfélaga um framlög vegna skólaaksturs úr dreifbýli fyrir árið 2022. **Sett hefur verið inn á vefgátt Jöfnunarsjóðs þar til gerð eyðublöð til útfyllingar.** Framlögin taka mið af akstri úr dreifbýli skólaárið 2021-2022. Eins og áður verður byggt á upplýsingum frá sveitarfélögum um fjölda þeirra grunnskólabarna í skólaakstri úr dreifbýli sveitarfélags, sem eiga heimili lengra en 3 km. frá skóla miðað við 1. september 2021.

Hvað eyðublað 1 varðar er um að ræða umsókn sveitarfélags um framlag vegna skólaaksturs úr dreifbýli. Hvað eyðublað 2 varðar er óskað eftir því að gerð verði grein fyrir akstursleiðum vegna skólaaksturs úr dreifbýli sveitarfélags og að nemendaskráin, þ.e. skráning á nafni nemandans, heimili, bekk og akstursvegalengd frá heimili að skóla aðra leiðina, taki mið af viðkomandi akstursleið. Óskað er einnig eftir að skráð verði í viðkomandi reit, innan hverrar leiðar, samtals eknir km. skólabíls aðra leiðina frá upphafi til loka ferðar. Eyðublöðin eru á excelformi inn á vefnum og því möguleiki að bæta við akstursleiðum ef með þarf.

Sveitarfélög eiga nú þegar að hafa tilgreint tengilið við vefgáttina og fengið senda vefsíðu og aðgang að henni. Annars þarf að hafa samband við ICT Iceland í gegnum netfangið info@icticeland og senda fullt nafn, netfang og símanúmer hjá viðkomandi sem verður tengiliður.

Þess er vinsamlega farið á leit við framkvæmdastjóra sveitarfélaga að þeir sjá svo um að eyðublöðin verði útfyllt samkvæmt settum reglum og að þau verði skilað inn á vefgátt Jöfnunarsjóðs eigi síðar en 1. september nk.

Jafnframt er óskað eftir að Jöfnunarsjóði berist upplýsingar um skipulagsbreytingar sem kunna að hafa orðið í grunnskólarekstri hjá sveitarfélögum og hafa áhrif á fyrirkomulag á skólaakstri úr dreifbýli. Stefnt er að því að áætlun um framlög vegna skólaaksturs úr dreifbýli 2022 liggi fyrir seinni hluta októbermánaðar nk. ásamt öðrum útgjaldajöfnunarframlögum sjóðsins á grundvelli A-hluta 14. gr. reglugerðar nr. 1088/2018.

Fyrir hönd ráðherra

Guðni Geir Einarsson

Gustav Aron Gústavsson